

USTAVNI SUD
BOSNE I HERCEGOVINE



УСТАВНИ СУД
БОСНЕ И ХЕРЦЕГОВИНЕ

CONSTITUTIONAL COURT
OF BOSNIA AND HERZEGOVINA

COUR CONSTITUTIONNELLE
DE BOSNIE-HERZEGOVINE

Broj: U-7/21

Sarajevo, 22.07.2022. god.

Parlament Federacije Bosne i Hercegovine

Hamdije Kreševljakovića br. 3

71000 Sarajevo

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 22-07-2022			
Org. jed.	Broj	Priloga	Vrijednost
01,02	- 02 -	1284	121

Poštovani,

U prilogu dopisa dostavljamo Vam Odluku U-7/21 od 06.07.2022. godine.



Registar
Ustavnog suda Bosne i Hercegovine

Zvonko Mijan, s.r.

R. Dž. Čauševića 6/III, 71000 Sarajevo

tel:
+387 33 251 226

fax:
+ 387 33 561 134

web:
www.ustavnisud.ba

email:
info@ustavnisud.ba

Ustavni sud Bosne i Hercegovine, u predmetu broj U 7/21, na osnovu člana VI/3.a) Ustava Bosne i Hercegovine, člana 57. stav (3) i člana 72. stav (6) Pravila Ustavnog suda Bosne i Hercegovine – prečišćeni tekst („Službeni glasnik Bosne i Hercegovine“ broj 94/14), u sastavu:

Mato Tadić, predsjednik

Miodrag Simović, potpredsjednik

Mirsad Ćeman, potpredsjednik

Valerija Galić, sutkinja

Seada Palavrić, sutkinja

Zlatko M. Knežević, sudija

na sjednici održanoj 6. jula 2022. godine donio je

R J E Š E N J E

Utvrđuje se da Parlament Federacije Bosne i Hercegovine nije izvršio Odluku Ustavnog suda Bosne i Hercegovine broj U 7/21 od 23. septembra 2021. godine.

Određuje se način izvršenja Odluke Ustavnog suda Bosne i Hercegovine broj U 7/21 od 23. septembra 2021. godine tako što će se, dok Parlament Federacije Bosne i Hercegovine ne izvrši ovu odluku, Zakon o plaćama i drugim naknadama sudija i tužilaca Federacije Bosne i Hercegovine („Službene novine Federacije Bosne i Hercegovine“ br. 72/05, 22/09, 27/12 – odluka USFBiH, 55/13 i 55/17 – odluka USFBiH), u pogledu naknada na ime dežurstva/pripravnosti, primjenjivati u skladu s navedenom odlukom, standardima iz Ustava Bosne i Hercegovine i Evropske konvencije za zaštitu ljudskih prava i osnovnih sloboda i praksom Ustavnog suda Bosne i Hercegovine i Evropskog suda za ljudska prava.

U skladu sa članom 72. stav (6) Pravila Ustavnog suda Bosne i Hercegovine, ovo rješenje dostavlja se Tužilaštvu Bosne i Hercegovine.

Rješenje objaviti u „Službenom glasniku Bosne i Hercegovine“, „Službenim novinama Federacije Bosne i Hercegovine“, „Službenom glasniku Republike Srpske“ i „Službenom glasniku Brčko distrikta Bosne i Hercegovine“.

OBRAZLOŽENJE

1. Ustavni sud Bosne i Hercegovine (u daljnjem tekstu: Ustavni sud) Odlukom broj U 7/21 od 23. septembra 2021. godine usvojio je zahtjev Općinskog suda u Sarajevu (sutkinja Belma Čano-Sejfović) za ocjenu ustavnosti Zakona o plaćama i drugim naknadama sudija i tužilaca Federacije

Bosne i Hercegovine („Službene novine Federacije Bosne i Hercegovine“ br. 72/05, 22/09, 27/12 – odluka USFBiH i 55/13 i 55/17 – odluka USFBiH).

2. Predmetnom odlukom je utvrđeno da Zakon o plaćama i drugim naknadama sudija i tužilaca Federacije Bosne i Hercegovine („Službene novine Federacije Bosne i Hercegovine“ br. 72/05, 22/09, 27/12 – odluka USFBiH, 55/13 i 55/17 – odluka USFBiH) zbog toga što ne sadrži odredbe o naknadama na ime dežurstva/pripravnosti nije u skladu sa članom I/2. Ustava Bosne i Hercegovine i odredbama člana II/4. Ustava Bosne i Hercegovine u vezi sa članom 14. Evropske konvencije za zaštitu ljudskih prava i osnovnih sloboda (u daljnjem tekstu: Evropska konvencija), članom 1. Protokola 12 uz Evropsku konvenciju i članom 26. Međunarodnog pakta o građanskim i političkim pravima.

3. Ustavni sud je predmetnom odlukom naložio Parlamentu Federacije Bosne i Hercegovine da, u skladu sa članom 61. stav (4) Pravila Ustavnog suda, najkasnije u roku od šest mjeseci od dana objavljivanja ove odluke u „Službenom glasniku Bosne i Hercegovine“ uskladi Zakon o plaćama i drugim naknadama sudija i tužilaca Federacije Bosne i Hercegovine („Službene novine Federacije Bosne i Hercegovine“ br. 72/05, 22/09, 27/12 – odluka USFBiH, 55/13 i 55/17 – odluka USFBiH) u pogledu naknada na ime dežurstva/pripravnosti sa članom I/2. Ustava Bosne i Hercegovine i odredbama člana II/4. Ustava Bosne i Hercegovine u vezi sa članom 14. Evropske konvencije, članom 1. Protokola 12 uz Evropsku konvenciju i članom 26. Međunarodnog pakta o građanskim i političkim pravima. Također, predmetnom odlukom je naloženo Parlamentu Federacije Bosne i Hercegovine da, u skladu sa članom 72. stav (5) Pravila Ustavnog suda, u prethodno navedenom roku obavijesti Ustavni sud o mjerama preduzetim s ciljem izvršenja ove odluke.

4. Odluka Ustavnog suda broj U 7/21 od 23. septembra 2021. godine objavljena je u „Službenom glasniku Bosne i Hercegovine“ 15. aprila 2021. godine, od kada je Parlamentu Federacije Bosne i Hercegovine počeo teći rok od šest mjeseci za usklađivanje navedenih odredbi sa članom I/2. Ustava Bosne i Hercegovine i odredbama člana II/4. Ustava Bosne i Hercegovine u vezi sa članom 14. Evropske konvencije, članom 1. Protokola 12 uz Evropsku konvenciju i članom 26. Međunarodnog pakta o građanskim i političkim pravima.

5. Ustavni sud konstatira da je rok za izvršenje Odluke broj U 7/21 od 23. septembra 2021. godine Parlamentu Federacije Bosne i Hercegovine istekao 15. aprila 2022. godine.

6. Parlament Federacije Bosne i Hercegovine (Dom naroda) dopisom od 8. novembra 2021. godine obavijestio je Ustavni sud da je na sjednici održanoj 4. novembra 2021. godine usvojio

zaključak da je premijer Federacije Bosne i Hercegovine zadužen da osigura izvršenje Odluke Ustavnog suda broj U 7/21 od 23. septembra 2021. godine.

7. Vlada Federacije Bosne i Hercegovine, Ured za saradnju i zastupanje pred Ustavnim sudom Federacije Bosne i Hercegovine (u daljnjem tekstu: Ured), dopisom od 28. februara 2022. godine obavijestio je Ustavni sud da je Federalno ministarstvo pravde, s ciljem implementacije Odluke broj U 7/21 od 23. septembra 2021. godine, sačinilo nacrt Zakona o izmjeni i dopuni Zakona o plaćama i drugim naknadama sudija i tužilaca Federacije Bosne i Hercegovine i nacrt uputilo Uredu za zakonodavstvo i usklađenost s propisima Evropske unije i Federalnom ministarstvu finansija radi pribavljanja mišljenja i razmatranja na sjednici Vlade Federacije Bosne i Hercegovine.

8. Ured je dopisom od 28. marta 2022. godine obavijestio Ustavni sud da je Vlada Federacije Bosne i Hercegovine na sjednici održanoj 24. marta 2022. godine utvrdila prijedlog Zakona o izmjeni i dopuni Zakona o plaćama i drugim naknadama sudija i tužilaca Federacije Bosne i Hercegovine.

9. Imajući u vidu navedeno, kao i na osnovu uvida u odluke Parlamenta Federacije Bosne i Hercegovine objavljene u „Službenim novinama Federacije Bosne i Hercegovine“, Ustavni sud je zaključio da Parlament Federacije Bosne i Hercegovine nije u ostavljenom roku uskladio Zakon o plaćama i drugim naknadama sudija i tužilaca Federacije Bosne i Hercegovine („Službene novine Federacije Bosne i Hercegovine“ br. 72/05, 22/09, 27/12 – odluka USFBiH, 55/13 i 55/17 – odluka USFBiH) u pogledu naknada na ime dežurstva/pripravnosti sa članom I/2. Ustava Bosne i Hercegovine i odredbama člana II/4. Ustava Bosne i Hercegovine u vezi sa članom 14. Evropske konvencije, članom 1. Protokola 12 uz Evropsku konvenciju i članom 26. Međunarodnog pakta o građanskim i političkim pravima.

10. Ustavni sud podsjeća da su, prema članu VI/5. Ustava Bosne i Hercegovine, odluke Ustavnog suda konačne i obavezujuće. Također, prema članu 72. stav (1) Pravila Ustavnog suda, konačne i obavezujuće odluke Ustavnog suda dužno je poštovati svako fizičko i pravno lice, a prema stavu (2) istog člana, svi organi vlasti su dužni u okviru svojih nadležnosti utvrđenih Ustavom i zakonom provoditi odluke Ustavnog suda.

11. S obzirom na to da Parlament Federacije Bosne i Hercegovine u ostavljenom roku nije izvršio konačnu i obavezujuću Odluku Ustavnog suda broj U 7/21 od 23. septembra 2021. godine, Ustavni sud je, na osnovu člana 57. stav (3) i člana 72. stav (6) Pravila Ustavnog suda, odredio način izvršenja navedene odluke.

12. Parlament Federacije Bosne i Hercegovine je dužan bez daljnjeg odlaganja izvršiti navedenu odluku, a do tada će se Zakon o plaćama i drugim naknadama sudija i tužilaca Federacije Bosne i

Hercegovine („Službene novine Federacije Bosne i Hercegovine“ br. 72/05, 22/09, 27/12 – odluka USFBiH, 55/13 i 55/17 – odluka USFBiH), u pogledu naknada na ime dežurstva/pripravnosti, primjenjivati u skladu s navedenom odlukom, standardima iz Ustava Bosne i Hercegovine i Evropske konvencije i praksom Ustavnog suda i Evropskog suda za ljudska prava.

13. U skladu sa članom 72. stav (6) Pravila Ustavnog suda, ovo rješenje se dostavlja nadležnom Tužilaštvu Bosne i Hercegovine.

14. Prema članu VI/5. Ustava Bosne i Hercegovine, odluke Ustavnog suda su konačne i obavezujuće.



Predsjednik
Ustavnog suda Bosne i Hercegovine
Mato Tadić
Mato Tadić

